



**Vun frieher un heit for Bensmer Leit
Bergsträßer Anzeigebblatt 11.02.1950**



Vunde „guure oalde Zeit“



Glei vornwäk will ich Eich moi Maanung iwwer den Gäjeschdann veroare. Souweit ich däs beordaale kann - un mer wärd mer net sou ohne weiteres die Kenntnis vun geschichtliche Daadsache oabschdreite kenne — hots e sougenannt „guure oalde Zeit“ iwwerhaupt net gäwwe. Alle Zeire häwwe ehr Guures un ehr Schläächdes. Weil awwer de Mensch es Schläächde veel leichder un ehnder vegißt, als wie däs Guure, sou kimmts, daß mer vunerer „guure oalde Zeit“ faaselt un däs Schläächde, woase de Menschheit vun Doomools gebroacht hot, ganz in Vegässenheit geroare leßt. Mer babble aa sou gäärn vun unsrer Schulzeit, vegässe awwer doodebei ganz die Schmiß, wuu doomools zuude Haupterziehungsmittel gehäjert hot un die wuu vun Zeit zu Zeit fellig woar wie die Schdeier. Un wieveel Oalde, die wuu ehrer sunschdige Oischdellung noach antimilidarischdig gesinnt sinn un gäje alle friehere milideerische Oirichdunge wärrern, vezähie heit noch vun ehrer „schäine Saldoarezeit“. Die Mißschdenn vun doomools, unner deenese sälschd häwwe leire misse, häwwese schoins lengschd vegässe. Jeerenfalls bildese faschd niemools de Middelpunkt vun ehre Geschbreech. Un wies doo im Klaane is, sou isses aa im Grouße. Ich kommer räächd gut vorschdelle, daß mer aa mool unser heitig Zeit als e „guuri oalde“ bezeichne dutt. Wann mool die Aboombomb orrer goar die Wasserschdoffbomb die Menschheit in Uffreegung un Engschde vesetze, vor deenes kaa Ausricke mäih gitt un aam de diefschde Keller nix nitze kann, dann wärd mer die Bombenächd, die wuu Gott sei Dank hinner uns leiße, als e Kinnerschbeel betroachte, groad sou, wie mer sich die Gefächde un die Schloachde in friehere Zeire veel uugefehrlicher un aafacher vorschdelle dutt, als wiese in Wäiklichkeit gewähse sinn.

Awwer um uff Bensmer zerickzekumme, will ich aus moiner Kinnerzeit vezähle, die wuu joo aa sou weit zerickleit, dass vun veel Leit ääwefalls schun als „guure oalde Zeit“ gepriese wärd. Wie hot die ausgesähe? Im Grund genumme au net annerschd als wie die heitig. Es hot doomools groad sou veel guure Leit gäwwe als wie heit. Freilich aa groadsouveel Ehroabschneierer, Nixnutzer un Schlabbmailer. Groadsouveel Groußduer un Neidseck, groadsouveel Zefreerene un Uuzefreerene. Die Mensche woarn veleicht net sou uffgereegt, häwwe sich mäinder Ruh gegennt, woarn sich perseenlich gäjeseitig neher geschdanne — awwer — geschennt häwwese doch. Es woar die Zeit in där wuu die „Bierbankpolidik“ un die „Friehschdicksmoaschder“, de „Kaschdegeischd“ un die „Schdammdisch“ ehr gräischd Bliedezeit erlääbt häwwe:

Wann frieher als diesälwe Leit
Getroffe sich zor sälwe Zeit,
Am sälwe Wärtsdisch dann gesässe
Un Worschdebrount un Kees gefrässe
Ehr Weisheit jeeresmool vezabbd,

Dann biergesettigt haamgedabbt.
Noachdemse sich mit Mieh getrennt,
Dann hot mer „Schdammdisch" däs genennt.

Bei de Weibslait häwwe sou Schdammdisch net ineme allzu grouße Ousähe geschdanne,
ausgenomme bei deene, wuu ehr Mann fore poar Schdunn lous soi wollte, weilern dehaam
aus ärjendern Grund im Wää geschdanne hot. Es weer e schdaik Schdick gewäase, soi Fraa
mit ande Schdammdisch ze nemme. Die hot dehaam bleiwe misse

Nor Mannslait häwwe drou gesässe.
Die Fraa dehaam hot mer vegässe,
Sou lang, vurn aijene Wärt erfüllt,
Sein Dorschd mer bot mit Bier geschdillt.
Die Weibslait woarn net oik ergetzt.
Se fiehle sich zerickgesetzt. - - -
Mer hots dem Mann drumm krumm genomme,
Wanner net pinktlich haam is kumme.
Vebrotzelt woar daan inde Pann
Es Oowendässe for de Mann.
Die Frau woar in ehre Schdolz gekrenkt
Un hot de Schlabbe drumm gehenkt.
Däs hot beim Mann dann soinerseits
Veuursacht glei en Närvereiz.
Er brummt un mescht soi Schenkche uff
Un setzt en „Moagebidder" druff. — —
Vum Alkehool en kräfdge Schluck
Hilft iwver alles wäk – glugg, glugg.

Im „Deitsche Haus" beim „roure van Gries" un ganz frieher im „Trauwe“ uffem Maikplatz,
sinn die häichere Beamte un all däs zammekumme, woas die Bensmer unnerde Bezeichnung
„Honerazoores" veschdanne häwwe.

Schdurierte Leit mit Schmiß un Zwicker,
Guut unnerricht in alle Schdicker,
Geeicht uff Bier un schdeets vebindlich,
In manche Sache oik empfindlich,
For houche Titel sehr empfenglich,
For „klaane, Leit“ faschd uuzugenglich. — — —
Se woarn aa sunschd zor Außewält
Roin akadeemisch oigeschdellt. — — —
„Konsärvativ“ bis uff die Knoche,
Hot iwvroal Umschdorz mer geroche.
Politisch hot mer aa däs wäje
Die Zuukunfd zimmlich schwazz gesähe. — —
En kräfdge akadeemsche Schluck
Hilft iwver alles wäk — glugg, glugg.

Im Bahnhoufhodäll häwwe mäih die Geschäftsleit un die Kaafleit, bessere Handwäiker un middlere Beamte gehockt. Aa klaane Rentner, de wuu mer awwer doomools noch net „Klaarentrier“ genennt hot häwwe als dezwische noigebabbelt.

Doo woar woas annres auszekoche.
Vun Schdeiern hot mer dort geschbroche,
Vum „Umsatz“ unde Meeglichkeire,
Sich immer mäinder auszebreire.
Mer hot vezählt, wies frieher woar.
Mer hot gehofft uffs neechschde Joahr.
Zum Schluß dann kimmt mer wirrer druff:
„Die Schdeiern frässe aam ball uff!“

Alles hot doichnanner gekresche. Vunde „Seckellbatscher“ un „Gäälieweschiller“, wie de Bensmer Volksmund die klaane Rentner gedaaft hot.

Hot mer gehäijert in aaner Leier:
„Hier is joo alles veel ze deier!“

Un die Lehrer un middlere Beamte häwwe geschennt:

„Mer maant, mer wollt bei dem Gehoalt
Ze Grunn uns richte mit Gewoalt.
Glaab mer, meer deen uns immer dugge?
In uns wärd mer sich schäl vegugge!
Mer sina kaa häigeloffene Lumbe!
Wanns gilt, dann wärrn mer uff mool drumbe!
Vum Alkehood en kräfdge Schluck
Hilft ildvwer alles wäk — glugg, glugg.

Es hot aa Schdammdisch gäwwe, an deene wuu oalde Schbießbäijer oft schdunnelang drummerumm gesässe häwwe, ohne daß außer ehm „Proschd beisammel“ nor e Wärtche gefalle weer. Ehrn Grundsatz woar:

„Besauf dich lieber mool gescheit
Als dumm gebabbelt in där Zeit!“

Aa woarn die Schdammdisch schdaik besucht,
Wuu mer beim „Koade“ hot geflucht,
Wammer däs Schbeel net hot gewunne.
For Wärt woarn däs die schläächste Kunne
Se häwwe schdunnelang gesässe,
Im Schbeel es Drinke faschd vegässe,
Vemehrt hot sich de Bierkonsumm
e Nor doich die „Kiwwik“ drummerumn.

Am beschde woarn die Schdammdischbrierer,
Wuu laut gesunge luschedge Lierer.

Wann aam die Schdimm woar oigeroschd,
Hot mer sich kräfdig zuugeproschd.
Vum Alkohol en richtger Schluck
Mescht all die wirrer frisch — glugg, glugg. —

Däs issen Ausschnitt aus de „guure oalde Zeit“, sou wie ich se noch zum Daal sälbschd
erlääbt häbb. Obse besser woar wie die heitig, muß ich bezweifle, dass gemiedlicher woar,
wie die Jetzzeit, wuus Audoo, es Radio und es Flugzeik regiert, soll net in Aabbredd
geschdellt wärrn,

Es iwwrige Ordaal iwwerloß ich Eich! jst